

文411  
865  
24



詞綜補遺卷八



長洲陶樾

宋詞五十六首

劉學箕 十七首

張端義 一首

趙軌 一首

張潞 一首

趙希邁 二首

劉翰 七首

方信孺 一首

程公許 四首

吳淵 三首

李劉 一首

王邁 二首

鄭清之 一首

姚鏞 一首

周弼 二首





韓 鶚 六首

邵 博 一首

楊 纘 三首

余 玠 一首

留元崇 一首

劉學箕

字習之自號種春子崇安人子鞏之孫瑛之子隱居不仕有方是閑居士小藁二卷

劉叔通云居士詩摩香山之壘詞拍稼軒之肩

憶王孫 清明病酒

淑景韶光晴晝簾外雨欲無還有流鶯枝上轉新聲夢

初醒厭厭病酒 天連碧草凝情久思舊事不堪搔首

懷人有恨水雲深又綠暗橋西柳

戀繡衾 閨怨

風翻柳絮高下飛雨籠晴香徑尚泥女伴笑踏青好鳳

釵偏花壓髻垂 亂鶯雙燕春情緒攪愁心欲訴向誰

人問道因誰瘦撚青梅閑歛黛眉

惜分飛 柳絮

池上樓臺堤上路盡日悠揚飛舞欲下還重舉又隨胡

蝶墻東去 糝徑飄空無定處來往綠窗朱戶卻被春

風妬送將蛛網留連住

浣溪沙 木犀

天上仙人萼綠華何年分種小山家九秋風露溢窗紗

密密翠羅攢綠葉團團黃粟刻金花一枝歸插髻雲

斜

賀新郎

白牡丹京師妓李師師也畫者曲盡其妙因賦之

午睡鶯驚起鬢雲偏鬢鬆未整鳳釵斜墜宿酒殘粧無  
意緒春恨春愁似水誰共說厭厭情味手展流蘇腰支  
瘦嘆黃金兩鈿香銷臂心事遠仗誰寄衝簾漸是槐  
風細對梧桐清陰滿院夏初天氣回首春空梨花夢屈  
指從頭暗記怨薄倖拋人容易目斷孤鴻沉雙鯉恨蕭  
郎不寄相思字幽恨積黛眉翠

又

近聞口口衰亂諸公未有勸上修飭內治以待外攘者書生感憤不已用辛稼軒金縷詞韻述懷此詞蓋鶯鶯林寄陳同父者詞險甚稼軒自和凡三篇語意俱到捧心效顰輒不自揆

同志毋以其虛而廢其言

往事何堪說念人生消磨寒暑謾營裘葛少日功名頻  
看鏡綠鬢鬢髻未雪漸老矣愁生華髮國恥家仇何年  
報痛傷神遙望關河月悲憤積付湘瑟人心未可隨  
時別守忠誠不替天意自能符合誤國諸人今何在回  
首怨深刺骨歎南北久成離絕中夜聞雞狂起舞袖青  
蛇戛擊光磨鐵三太息皆空裂

念奴嬌

次人韻

斷虹開霽淨秋容點點初收微雨夕下生陰山影淡縹  
渺煙雲吞吐烏帽風偏青鞵沙軟誤入桃谿塢多情鷗



鷺偶來忽又飛去  
日暮脩竹佳人霧綃瓊佩綽約疑  
仙侶媿我禪心春盡絮不逐東風飛舞紅葉題詩紫雲  
傳恨密意渠能訴此情疎隔不關樓外煙樹

菩薩蠻

暮濤掀浪溪流急單衣未試春寒力是處綠陰穠春深  
楊柳風人依溪岸住酒美忘歸去巢燕墮芹泥幽禽  
花外啼

醉落魄 用范石湖韻

江頭離席晚潮雙櫓催行色往來屬玉雙飛白笑我多  
情猶作未歸客紅塵奔走何時息歸心還似投林翼

角巾醉裏從敲側獨立東風天際露岑碧

鷓鴣天 發舟安康朋遊見留往復三用韻

芳草萋萋入眼濃一年花事又匆匆吐舒桃臉今朝雨  
零落梅粧昨夜風雲接野水連空畫欄十二倚誰同  
兩眉新恨無分付獨立蒼苔數點紅

又

夢繞天涯去意濃客愁春恨兩匆匆綠波初漲桃花浪  
畫鷁輕隨柳絮風無筆力判虛空關山千里兩心同  
魚書雁字多休問只看啼痕翠袖紅

山色都如歸興濃春融融處客匆匆岸花影裏鶯吟霧  
江閣陰中燕受風只凭畫檻睇層空情衷待說幾時同  
不如且盡尊中醪圖得醺醺醉臉紅關山千里雨  
杏花  
菩薩蠻  
昨日杏花春滿樹今晨雨過香填路零落軟臙支濕紅  
無力飛轉頭春易去春色歸何處待密與春期春歸  
人也歸

眼兒嬌

十年不見柳腰支契濶幾何時天遙地遠秋悲春恨只  
在雙眉雁聲今夜樓西畔情悵渺難期杏花風景梧

桐夜月都是相思

桃源憶故人

莫霞散綺西溪浦天上晴雲開絮清絕梅花幾樹惱亂  
春愁處小橋流水人來去沙岸浴鷗飛鷺誰畫江南  
好處著我閑巾屨

糖多令

登多景樓

何處浣離憂消除許大愁望長江衮衮東流一去鄉關  
能幾日纔屈指又中秋蘆葉滿汀洲沙磯小艇收醉  
歸來明月江樓欲把情懷輸寫盡終不似少年遊

烏夜啼

夜泊揚子江



長亭急管生愁楚天秋落日寒鴉飛盡水悠悠 紅蓼

岸白蘋散浴輕鷗人在碧雲深處倚高樓

張端義

字正夫自號荃翁鄭州人居姑蘇端平中應詔三上書坐妄言韶州安置有貴耳集三卷貴耳集附自作小傳大父雲莊公登辛未榜先君詠齋為淮南漕光宗即位初年應詔上書下後省看詳羅紫薇點劉左史光祖極稱賞之將上為時宰所沮予少苦讀書歸舉子業勇於弓馬嘗拜平齋項先生於荆南如慈湖說齋鶴山菊坡習庵皆從之遊愛作詩賦小詞盧蒲江取碧雲千里暮紅葉十分秋之句周晉仙取怨春紅艷冷之句孟藏春取蜨詩不因花退盡必是夢殘時之句凡海內名勝來吳必訪樂園之張書桃符曰江湖且過詩酒叢林應端平詔上第三書得旨韶州安置以螻蟻之微嬰斧鉞之威人皆危之當國者云詔以直言罪以直言非祖宗制幸脫萬死考之典故安置待宰執侍從居住待庶官

聽讀待士子自效待將軍小臣用大臣之法誤矣或者以安置為竄謫之極典又非也余三十年前賦秋江圖一絕今白髮種種倘符此詩語吾志畢矣余生於淳熙之己亥書於淳祐之辛丑年六十有三有上皇帝三書詩五百首詞二百首雜著三百篇曰荃翁集

倦尋芳

見陽春白雪

曉聽社雨猶帶餘寒尚侵襟袖插柳千門相近禁煙時  
候鬢墜搔頭深舊恨臂寬條脫添新瘦卷重簾看雙飛  
燕羽舞庭花晝 誰共語春來怕酒一段情懷燈暗更  
後罨畫屏山今夜夢魂還又愁墨題箋魚浪遠粉香染  
淚鮫綃透待相逢想鴛衾鳳幃依舊

趙

軌

字信可許人



過庭錄趙信可以才稱鄉里爲陝曹屬先子  
與之鄉舊旣在太原趙沿檄相謁於室八月  
十四夜宣使張永錫召先子會酌趙卽作一  
詞達先子云云永錫見之大喜贈上尊數壺  
先子爲求薦章僅改秩而終

夜行船

今夜陰雲初霽畫簾外月華如水露靄晴空風吹高樹  
滿院中秋意皎皎蟾光當此際怎奈何不成况味莫  
近檐前休來窗上且放離人睡

張潞

字東之永新人牧昭州有張昭州集

劉改之龍州道人集寄張東之云見山堂上山如畫二十年前曾客來飛絮滿城歸不得江南老卻賀方回

祝英臺近

木樨

見陽春白雪

寶熏濃雲幄重瓊葉麗金蕊黛綠蜂黃秋態未憔悴繡  
簾深院黃昏著香無處人欲睡爲花重起月如水別  
有天外樓臺玲瓏異塵世翠袖生寒祇欠素娥倚何如  
倩取西風吹將歸去爲添在廣寒宮裏

趙希邁

字端行號西里永嘉人宋史宗室世系表燕王德昭九世孫師僚第三子續文獻通考云

趙希邁著有西里藁高疎寮跋

八聲甘州

竹西懷古

見絕妙好詞

寒雲飛萬里一番秋一番攪離懷向隋隄躍馬前時柳  
色今度蒿萊錦纜殘香在否枉被白鷗猜千古揚州夢



一覺庭槐 歌吹竹西難問 拚菊邊醉著 吟寄天涯任  
紅樓蹤跡 茅屋染蒼苔 幾傷心 橋東片月 趁夜潮流恨  
入秦淮 潮回處 引西風 恨又渡江來

滿江紅 見浩然齋雅談

三十年前愛買劍 買書買畫 凡幾度 詩壇爭敵 酒兵爭  
霸 春色秋光 如可買錢 慳也不曾論價 任麤豪爭肯放  
頭低 諸公下 今老大 空嗟訝 思往事 還驚詫 是和非  
未說 此心先怕 萬事全將飛雪看 一閒且問 蒼天借樂  
餘齡 泉石在膏肓 吾非詐

劉翰 字武子 長沙人 有小山集一卷

韋居安梅礪詩話 劉小山詩小窗細嚼梅花  
藥吐出新詩字字香 羅子遠詩 飢嚼梅花香  
透脾亦此意  
按四朝聞見錄 吳雲壑留守金陵 游從如儲  
用項安世周師稷 劉翰王輝王明清極一時  
之彥 居近東樓 尤愛古梅 日臨鍾王帖 非其  
所心交 足不至此 高疎寮贈詩云 一笑難陪  
珠履客 看臨古帖 對梅枝 是劉武子早列貴  
游 並聯聲氣 雖仕履無考 要非山林隱逸者  
比也

好事近 見陽春白雪

花底一聲鶯 花上半鈎斜 月月落烏啼 何處點飛英 如  
雪 東風吹盡 去年愁 解放丁香 結驚動小亭 紅雨舞

雙雙金蝶

蝶戀花

團扇題詩春又晚小夢驚殘碧草池塘滿一曲銀鈎簾  
半捲綠窗睡足鶯聲軟瘦損衣圍羅帶減前度風流  
陡覺心情嬾誰品新腔拈翠管畫樓吹徹江南怨

清平樂

淒淒芳草怨得王孫老瘦損腰圍羅帶小長是錦書來  
少玉簫吹落梅花晚煙猶透輕紗驚起半簾幽夢小  
窗淡月啼鴉

又

鴛鴦翡翠小小池塘水落絮游絲花滿地口日闌干獨  
倚金刀裁就春衫起來初試輕寒滿把相思清恨題

詩欲寄江南

菩薩蠻

去時滿地花陰月歸來落盡梧桐葉簾外小梅殘綠窗  
幽夢寒明朝提玉勒又作江南客芳草徧長亭東風  
吹恨生

桂殿秋

見宋百家詩存

青帝子碧蓮宮不駕雲車騎白龍瑤池路遠羽衣濕玉  
佩泠泠明月中

又

雙玉節到神京碧杯仙露冷如水一聲金磬千花發洞



口天風吹酒醒

方信孺

字孚若興化軍人以廕補官開禧中假朝奉郎使金三往返不訕歷淮東轉運判官知真

州至廣西漕有好庵游戲詩境等集

西江月

游龍隱巖

見臨桂龍巖石刻

碧洞青崖著雨紅泉白石生寒竭來十日九遊山人笑

元郎太漫 絕壁偏宜疊鼓夕陽休喚歸鞍茲游未必

勝驂鸞聊作湘南公案

按孚若此詞作於嘉定八年官桂林運判時詞前尚有追和陶

商翁五律一首商翁名弼永州祁陽人曾知邕州招納諸蠻有功有陶邕州集

程公許

字季與一字希穎號滄洲敘州宣化人嘉定四年進士理宗朝累官中書舍人禮部侍郎

權刑部尚書有塵缶集

四朝聞見錄真文忠謚議紫微程公許惠以尺牘曰西山謚議一段是時公許待罪奉常為博士所訂文忠二字實參考公論與長官同僚商訂累日而後敢落筆當侯稍閒錄以求教云云適感奇疾不獲從公求副墨公已去守袁州

念奴嬌

中秋玩月憶山谷共倒金荷家萬里難得尊前相屬之句悵然有懷借韻作一首見陽春白雪外集

晚涼散策恨西風不貸一池殘綠誰與冰輪揮玉斧恰

好今宵圓足樹杪翻光莎庭轉影零亂崑臺玉盪胷清

露閒須澆下醞醖 休問湖海飄零老人心事似倚岩

枯木萬里親知應健否脉脉此情誰屬世慮難平天高

難問倚遍闌干曲不妨隨寓買園催種松竹



沁園春

用履齋多景樓韻

萬里飄萍送江入海過古潤州正羈懷無奈憑高縱覽  
濛濛烟雨簇簇漁舟南北區分江山形勝憂憤令人扶  
上樓沈凝久任斜飛雪片急酒貂裘 英風追想孫劉  
似黑白兩奩碁未收把烟霞饒與坡仙米老丹青難覓  
摩詰營邱斗野號風海門殘照長與人間管領愁憑誰  
問借天河一挽洗甲休鬥也按集韻鬥當侯切平聲交爭也

水調歌頭

和吳秀岩韻

馳褐倚禪榻絲髻漾茶烟誰知老子方寸歷歷著千年  
試問汗青餘幾一笑腰黃榮夢我自樂天全出處兩無

賴贏取日高眠八千里西望眼斷霞邊弁蒼苔碧隨  
分風月不論錢執手還成輕別何日歸來投社玉海得  
同編經世付時傑覓個釣魚船

又

不能煩惱得掉臂便歸休前度風檣這回潦轍幾悠悠  
幸得有雲一谷更自有書萬卷著甚麼來由月采混魚  
目霜口澆蠅頭相山中侯醉境將詩流情知薄命個  
樣勲業也須收辟邏世間萬事推放那邊一壁百尺卧  
高樓日月草頭露天地水中漚

吳

淵

字道父寧國人嘉定七年進士累官江東安撫使行宮留守兼屯田使拜參知政事封金



吳

陵侯有退菴遺集

高樹念奴嬌

牛渚

見江湖後集

我來牛渚聊登眺客裡襟懷如豁誰著危亭當此處占  
斷古今愁絕江勢鯨奔山形虎踞天險非人設向來舟  
艦曾掃百萬胡羯自追念照水燃犀男兒當似此英雄  
豪傑歲月匆匆留不住鬢已星星堪鑷雲黯江天烟昏  
淮地正是斷魂時節欄干搥碎酒狂忠憤俱發

同水調歌頭

杏

太白已仙去詩骨此山藏胸中錦繡如屋都乞與東皇  
碎剪杏花千樹濃抹胭脂萬點妖豔斷人腸曉露沐春

色晴日漲風光孤邨路逢休暇共徜徉酒旗斜處一  
簇幾紅妝暫息江頭烽火無奈鬢邊霜雪聊復放踈狂  
倚俟玉壺渴未肯寶鞭揚

沁園春

壽弟相國

喜我新歸逢口初度關情更深正晝掩柴扉口尋隱遯  
口舒槐府口正經綸白石清泉紫樞黃閣弟為宰相兄  
作閒人南園借我登臨都不怕近前丞相嗔但曳履  
扶筇堪憐獨步携壺載酒每欲孤斟七袞開筵六旬屈  
指風雨對床頻上心殷勤祝道何時回首及早抽身

李

劉

字公甫號梅亭崇仁人嘉定七年進士官中書舍人直學士院寶章閣待制有四六標準



孫雲翼李梅亭先生小傳劉嘗從真德秀游  
 丐詞科文字留飲書室指竹夫人為題日蕪  
 春縣君祝氏可衛國夫人劉援筆立成未聯  
 云於戲保抱携持朕不忘乙夜之寢展轉反  
 側爾尙形四方之風德秀擊節歎賞嘉熙已  
 亥四月月誕皇子告廟祝文劉以學士當筆以  
 四柱作一聯云亥年巳月無長蛇封豕之虞  
 午日丑時有歸馬放牛之兆時方有蜀警人  
 咸賞其中的  
 按鐵網珊瑚載吳匏庵跋東坡栞操帖紙尾  
 八印爛然莫知為何人所藏偶閱虞邵庵集  
 至李梅亭續類稿序備述其入蜀歷守崇眉  
 進總漕事并總蜀帥成都守本路憲四川都  
 大賣茶買馬等司凡八印且謂公平日所得  
 圖書輒以印識之

滿朝歡

壽韓尙書出守

見歷代詩餘

一點箕星近天邊光彩輝耀南極竹馬兒童盡道使君  
 生日元是鳳池仙客曾曳履持荷簪筆稱觴處晚節花  
 香月周猶待五夕誰道久拘禁掖任雙旌五馬躔從  
 遊逸九棘三槐都是等閒親植見說玉皇側席但朝晚  
 促歸調燮功成了笑傲南山壽如南山松柏

王邁

字實之興化軍仙遊人嘉定十年進士調南  
 外睦宗院教授召試學士院改通判漳州應  
 詔直言為臺官所劾削二秩淳祐中知邵武  
 軍子祠卒贈司農少卿有臞軒集十六卷詞

附

齊東野語王邁為正字因輪對及故相擅權  
 理宗日姑置衛王之事邁抗聲日陛下日則  
 日衛王再則日衛王何容保之至耶上日此  
 狂生也邁歸鄉里自稱勅賜狂生  
 按實之佐幕長沙劉後邨贈詩有策好人爭

同宗補遺卷八

三



誦名高士責全之句其後削秩歸又有詩送之云欲去還留每自憐竟為吾子着先鞭孤忠盡見萬言疏十口同登一葉船屈法相傳煩聖主上書俱貶媿前賢南歸定過西山下細把行藏告墓阡

賀新郎

呈劉後村時自桂林被召到莆又遭煩言

出了羅浮洞有多情梅花雪片殷勤相送見說翛然棄  
鶴外詩壓牛腰較重又管甚郡兒嘲弄嶺海三年持翠  
節料無時不作家山夢馳玉勒歸金鳳原注金鳳池乃所居也  
一門朱紫環昆仲看階庭森森蘭玉慈顏歡動宰相時  
來須著做且舞萊衣侍奉却不信大才難用時事多艱  
人物少便中興誰辦浯溪頌支大廈要梁棟

又丁未守邵武宴同官

此是河清宴覺朝來薰風滿入生綃團扇太守愁眉纔  
一展且喜街頭米賤且莫管官租難辦遶砌苔錢無限  
數更蓮池雨過珠零亂儘買得凌波面家山樂事真  
堪羨記年時荔支新熟荷筒齊勸底事來尋蕉鹿夢羸  
得乾忙似箭笑富貴都如郵傳做了豐年還百姓便蕞  
鱸歸興催張翰看卿等上霄漢

鄭清之

字德源初名燮字文叔鄞縣人嘉定十年進士史彌遠薦為魏憲王府教授理宗嗣位以定策功累拜太傅左丞相封魏國公致仕卒封魏郡王謚忠定有安晚堂集七卷  
癸辛雜識清之淳祐再相政事多出姪孫太原手昏繆貪汙有人作詩譏之云先生自號



詩經神遺卷八  
為安晚晚節何為不自安  
梅磳詩話鄭安晚未貴時賦冬瓜詩云翦翦  
黃花秋後春霜皮露葉護長生來籠統君  
休笑腹內能容數百人宰相器寬已於此詩  
見之

念奴嬌

菊

見陽春白雪

楚天霜曉看老來秋圃寒花猶在金闕栽培端正色全  
勝東籬風采雅韻清虛幽香淡泊惟有陶家愛由他塵  
世落紅愁處如海 多少風雨飄搖夫君何素晚節應  
難改休道三閭曾舊識輕把木蘭相對延桂同盟牽梅  
為友不復嬌春態年年秋後笑觀芳草蕭艾

姚

鏞

字希聲一字敬庵號雪蓬刻溪人嘉定十年  
進士為吉州判以平寇功擢贛州太守有雪

蓬集

按鶴林玉露姚希聲擢守章貢忤帥臣以貪  
劾之時端平更化之初施行特重貶衡陽戴  
石屏集懷希聲使君云一官不幸有奇禍萬  
事但求無媿心想像騎牛開畫卷丁寧回雁  
寄來音

謁金門

見陽春白雪

吟院靜遲日自行花影熏透水沉雲滿鼎晚粧窺露井  
飛絮游絲無定誤了鶯鶯相等欲喚海棠教睡醒奈  
何春不肯

周

弼

字伯弼汝陽人文璞之子嘉定間  
進士江夏令有端平詩雋四卷

李蕓端平詩雋序稱與伯弼同庚同寓里相  
與三十餘年嘗手刊端平集十二卷行世又



詞餘補遺卷八  
稱伯弼十七八時卽博聞強記侍乃翁晉仙  
長而四十年間宦遊吳楚江漢又稱伯弼名  
振江湖人皆爭先求市但卷帙中有未能曉  
者多恐有不行之弊茲摘其坦然者兼集外  
所得者二百餘首目曰端平詩雋

二郎神 西施浣紗磧 見陽春白雪

浪花皺石颭夜月欲移還定想白苧烘晴黃蕉攤雨人  
整斜巾照領剪斷鮫綃何人續黯夢想秋江楓冷空露  
漬藻鋪雲根苔螿指痕還影 重省五湖萬里誰問烟  
艇料寶像塵侵玉瓢蛛鎖羞對菱花故鏡領畧鴉黃破  
除螺黛都付渚蘋汀苻春醉醒暮雨朝雲何處柳蹊花  
逕

浣溪沙

撲撲精神的的香茶藤一朵晚來粧  
雛鶯葉底學官商  
著意勸人須盡醉扶頭中酒又何妨  
綠窗花影日偏長

韓

嚶

字子畊文獻通考韓嚶有蕭閒詞一卷

高陽臺

除夜

見陽春白雪

頻聽銀籤重然絳蠟年華袞袞驚心  
餞舊迎新能消幾刻光陰老來可慣  
通宵飲待不眠還怕寒侵掩清尊多  
謝梅花伴我微吟 鄰娃已試春粧了  
更蜂腰簇翠燕股橫金勾引東風也  
知芳思難禁朱顏那有年年好逞



艷游羸取如今恣登臨殘雪樓臺遲日園林

浪淘沙

莫上玉樓看花雨斑斑四垂羅幕護朝寒燕子不知人  
去也飛認闌干回首幾關山後會應難相逢祇有夢  
魂間可奈夢隨春漏短不到江南

又 豐樂樓

裙色草初青鴨鴨波輕試花霏雨濕春晴三十六梯人  
不到獨喚瑤箏艇子憶逢迎依舊多情朱門祇合鎖  
娉婷却逐彩鸞歸處路香陌春城

長相思

郎恩深妾恩深祇為恩深便有今回紋辜舊吟 雲沉  
沉水沉沉一點堅如百鍊金郎應知妾心

又

杜娘家謝娘家樓壓官橋柳半遮簾波漾彩霞 拾飛  
花怨飛花望斷郎來日又斜東風吹鬢鴉

又

夜蕭蕭夢蕭蕭又趁楊花到謝橋風沉明月簫 來迢  
迢去迢迢枉把吟箋寄寂寥飛鴻不受招

邵

博

字公濟康節之孫伯温之子著聞見後錄三十卷

按聞見後錄彙輯疑孟諸說至盈三卷證碧雲駮出梅聖俞之手記王子飛事稱佛法之



靈記湯保衡事推道教之驗論晏元獻薄葬之非詆趙忠簡宗洛學之謬持論偏雜有乖康節家法

念奴嬌

梅

見歷代詩餘

天然瀟灑盡人間無物堪齊標格只與姮娥為伴侶方顯一家顏色好是多情一年一度首作東君客竹籬茅舍典型別是清白惆悵玉杵無憑藍橋人去空鎖神仙宅今日天涯慙馬上忽見輕盈冰魄恰是當年溫柔鄉裏曉看新妝額臨風三嗅挽條不忍空摘

楊

纘

字繼翁嚴陵人居錢塘寧宗楊后兄次山之孫號守齋又號紫霞翁圖繪寶鑑云度宗朝女為淑妃官列卿好古博雅善琴有紫霞洞簫譜傳世時作墨竹

詞源近代楊守齋精於琴故深知音律有圈法周美成詞與之游者周草窗施梅川徐雪江奚秋崖李商隱每一聚首必分題賦曲持律甚嚴一字不苟作守齋作詞五要第一要擇腔腔不韻則勿作如塞翁吟之衰颯帝臺春之不順隔浦蓮之寄煞鬪百花之無味是也第二要擇律律不應月則不美如十一月調須用正宮元宵詞必用仙呂宮為宜也第三要填詞按譜自古作詞能依句者已少依譜用字者百無一二詞若歌韻不協奚取焉或謂善歌者融化其字則無疵殊不知詳製轉折用或不當即失律正旁偏側凌犯他宮非復本調矣第四要隨律押韻如越調水龍吟商調二郎神皆合用平入聲韻古詞俱押去聲所以轉摺怪成不祥之音第五要立新意若用前人詩詞意為之則蹈襲無足奇者須自作不經人道語或翻前人意便覺出奇

八六子

牡丹次白雲韻

見絕妙好詞



怨殘紅夜來無賴雨催春去匆匆但暗水新流芳恨蝶  
凄蜂慘千林嫩綠迷空 那知國色還逢柔弱華清扶  
倦輕盈洛浦臨風細認得凝妝點脂勻粉露蟬聳翠藥  
金團玉成叢幾許愁隨笑解一聲歌轉春融眼朦朧凭  
闌干半醒醉中

一枝春 除夕

竹爆驚春競喧填夜起千門簫鼓流蘇帳暖翠鼎緩騰  
香霧停杯未舉奈剛要送年新句應自有歌字清圓未  
誇上林鶯語 從他歲窮日暮縱閒愁怎減劉郎風度  
屠蘇辦了迤邐柳欺梅妬官壺未曉早驕馬繡車盈路

還又把月夜花朝自今細數

武林舊事云守歲之詞雖多極難其選獨守齋一枝

春最爲近世所稱

被花惱 自度腔

疏疏宿雨釀寒輕簾幙靜垂清曉寶鴨微温瑞烟少簷  
聲不動春禽對語夢怯頻驚覺敲珀枕倚銀床半窗花  
影明東照 惆悵夜來風生怕嬌香混瑤草披衣便起  
小徑迴廊處處多行到正千紅萬紫競芳妍又還似年  
時被花惱驀忽地省得而今雙鬢老

余 玠

字義夫蘄州人少爲白鹿洞諸生趙葵爲淮  
東制置使玠作長短句上謁葵壯之留之幕  
中以功補進義副尉擢將作監主簿官至兵  
部侍郎四川安撫制置使寶祐元年召拜資



政殿學士李

宋史有傳

隱居通議

余制帥玠

鎮蜀有桃符句云威行

玉斧山河外春在金符掌握中按玉斧事乃

太祖開基時閱輿地圖偶持玉斧因以柄畫

其分界非刀斧也乃金杖子長四五尺以片

玉冠其首人主間步則持之神祠中素繪儀

從猶或存此

按史稱玠治蜀當諸將勦法之時首誅都統

王夔政令肅然頗著威望其後欲革軍中舉

代之弊統制姚世安恃丞相謝方叔為援與

之力抗遂鬱鬱以及蜀士深惜之玩詞中結

語云云亦足驗其平居蘊抱矣

瑞鶴仙

見陽春白雪

怪新來瘦損對鏡臺霜華零亂髻影胸中恨誰省正關  
山寂寞莫天風景貂裘漸冷聽梧桐聲敲露井可無人

為向樓頭試問塞鴻音信爭忍勾引愁緒半掩金鋪

雨欺燈暈家童困卧呼不應自高枕待催他天際銀蟾

飛上喚取嫦娥細問要乾坤表裏光輝照余醉飲

留元崇

字積翁

劉後村集答留通判元崇云不見龍驤與驥  
馳紛紛蟲篆鬪蛛絲君侯傑出南方者老僕  
終當北面之憶玉樹枝勞遠夢熏薔薇水讀  
來詩自慙眼力非關合紫氣浮空惜不知

菩薩蠻

見陽春白雪

江頭日落孤帆起歸心拍拍東流水山遠不知名為誰

迢遞青危橋來處路尙帶瀟湘雨楚尾與吳頭一生

離別愁



詞綜補遺卷八

詞綜補遺卷九

宋詞八十首

趙崇嶠 十九首

李仁本 三首

張樞 九首

趙汝茷 九首

蕭蔚 三首

徐元杰 一首

劉之才 七首

長洲陶樑緝

楊伯喆 一首

周晉 二首

徐南溪 一首

趙希彭 二首

蕭泰來 一首

陸叡 二首

胡翼龍 十四首



張友仁 一首

吳千能 一首

徐逸 一首

曾原一 三首

趙崇嶠

字漢宗號白雲山人居南豐嘉定十六年進士授石城令改淳安嘗監豐儲倉因冬至災異疏言鄭清之輔政非材尋以言去國久之起監都進奏院官至太宗丞宋史宗室世系表簡王元份九世孫汝悉長

子有白雲小橐一卷詞附

隱居通議趙宗丞白雲為人清俊灑落富有文采超然為宗籍冠詩如漢月通江白秦雲入塞黃鷺依江渚冷雁入楚雲深天形低赴海潮勢直通吳月入星辰大山明天地秋皆一時傳誦平生善作數尺字筆法道勁江浙名扁多出公手

如夢令

日日酒圍花陣畫閣紅樓相近殘月醉歸來長是雨羞

雲困低問低問獨自繡幃睡穩

又

牕外燕嬌鶯妬牕下夢魂無據夢好卻頻驚不到絲雲深處無緒無緒紅重一簾花雨

更漏子

玉搔頭金約臂嬌重不勝殘醉留粉黛暈臙脂淺寒生玉肌待歸來渾未準疑殺那回書信春又好思無窮捲簾花露濃

謁金門

春尙淺江上柳稍風軟銷盡玉梅春不管冷香和夢遠



春脉脉綠牕新怨花勝無心重翦簾押護香閣不捲捲  
簾芳事徧

又

春意泄香重一枝梅雪寒透玉壺冰暗結玉奴情更劣  
似語還羞奇絕妬白憐紅時節酒力未醒雙眼纈一  
簾風弄月

又

晴意早簾外數聲啼鳥有約不來春夢杳瑣牕微弄曉  
江上殘梅未掃葉底芳桃紅小天遠斷雲塵不到過  
春還草草

又

春意薄江上晚來風惡簾外海棠花半落睡深渾未覺  
夢想當年行樂新恨暗添金鵲寫就錦箋無處託去  
鴻天一角

清平樂 懷人

鶯歌蝶舞池館春多處滿架花雲留不住散作一川香  
雨 相思夜夜情恹青衫淚滿啼紅料想故園桃李也  
應怨月愁風

又

妬紅欺綠輕浪潮温玉鸞袖捲香金景歛嬌怯未消寒



粟錦衾初罷承歡宿妝微褪香彎醉眼乍鬆還困斷  
雲猶繞巫山

南柯子 小妹

絲髮風輕掠酥胸冷不侵背人小立卸瑤簪一縷柔情  
繫得幾人心 曲檻花方落河橋柳未陰紅羞綠困不  
能禁惱亂東風無計等春深

又

掩笑輕擡袖慵妝淺畫眉嫩晴簾箔玉梅飛門外輕寒  
疎柳趁黃時 綰帶香羅結交釵綠玉枝看看又誤踏  
青期倚徧欄干心事只春知

望海潮 泛舟

輕雲過雨炎暉初減樓頭片片餘霞曲徑通幽小欄斜  
護水天薄暮人家暝色起歸鴉竹風交立玉清透牕紗  
斷岸漣漪亂萍芳葦繞烟沙 依稀畫艇蓮娃掩鮫綃  
微沁急漿伊啞香霧霏微冷光搖曳姪紅深映低花天  
際玉鈎斜磯邊菱唱答驚斷鳴蛙滿棹白蘋歸去幽興  
繞天涯

沁園春

紫陌芳塵烟縷收寒雨絲過雲美交陰桃葉牕前曲檻  
認巢燕子柳底朱門回首年時霧鬢風袖裊裊娉娉嬌



上春逢迎處儘芳華繾綣玉佩慙慙 誰知此際銷魂  
慢隱約人前笑語溫記掌中纖細真成一夢花時怨憶  
應爲雙文載酒心情教眉詩句空悔風流曾誤人憑誰  
去待寄將恨事兩處平分

摸魚兒

捲珠簾幾番花信輕寒猶自成陣一年芳事如朝夢容  
易綠深紅褪寒食近惟自有斷腸垂柳禁春困瑣牕深  
靜悄疊損縷衣凝塵暗掩金斗熨清潤 章臺恨準擬  
芳期未穩舊遊細把重忖鑑鸞釵鳳平分久留取年時  
心印誰與問待試寫花箋密寄教郎認妬香憐粉欲寫  
卻還羞輕顰淺歎字字攪方寸

蝶戀花

見絕妙好詞

一翦微寒禁翠袂花下重開舊燕添新壘風旋落紅香  
匝地海棠枝上鷺飛起 薄霧籠春天欲醉碧草澄波  
的的情如水料想紅樓挑錦字輕雲淡月人憔悴

菩薩蠻

桃花相向東風笑桃花忍放東風老細草碧如烟薄寒  
輕暖天 折釵鸞作股鏡裏參差舞破碎玉連環捲簾  
春睡殘

過秦樓

和美成韻

見陽春白雪



言絲補遺卷九  
三  
隱枕輕潮拂塵疎雨幽夢似真還斷鶯雛燕婉依約年  
時花下試翻歌扇憔悴鬢怯輕寒慢掠輕絲柳風如箭  
甚陽臺縹緲行雲無準楚天空遠 應喚覺當日琴心  
祇今詩思惆悵客衣塵染釵留股玉鞵襲鈎羅荏苒賦  
寒香變問訊多情別後笑巧顰嬌對誰長倩但晚來江  
上眼迷心想越山兩點

歸朝歡

翠羽低飛簾半揭寶簫牙牀涼似雪窻虛雲母淡無風  
隔牆花動黃昏月玉釵鸞墜髮盈盈白露侵羅鞵記逢  
迎鴻驚燕婉燈影弄明滅 蜀雨巫雲愁斷絕羅帶同

心留縮結交枝紅豆雨中看爲君滴盡相思血染衣香

未歇夜闌天爭魂飛越正銷凝一庭秋意烟水浸空濶

戀繡衾

梅

江烟如霧水滿汀早梅花偏占淺清倚翠竹寒無力想  
瀟湘斜日暮雲 幾回夢斷陽臺曲問百花猶隔幾塵  
趁月夜霜風峭約彩鸞同載玉笙

楊伯岳

字彥瞻號泳齋楊和王諸孫居臨安淳祐間  
除工部郎出守衢州有六帖補二十卷九經

韻一卷  
行世

鐵網珊瑚載薛尚功摹鐘鼎彝器款識真蹟  
有嘉熙三年冬十有一月望後十一日外孫  
朝請郎新知江口軍事楊伯岳拜觀於廿四  
叔外翁書室後二十年弁陽周密得之外舅



踏莎行

雪中疏寮借閣帖更以薇露送之  
絕妙好詞 見

梅觀初花蕙庭殘葉當時慣聽山陰雪東風吹夢到清  
都今年雪比前年別 重釀宮醪雙鈎官帖伴翁一笑  
成三絕夜深何用對青藜窗前一片蓬萊月

李仁本

字裕齋

按宋稗類鈔隆國黃夫人湖州德清人初入  
魏叔高家既出復歸李仁本媵其女入榮邸  
時嗣王與芮無子一幸而得男是為度宗云  
云宋詩紀事亦不詳仁本官闕觀詞中金帶  
紫袍之語或緣榮邸得此恩澤耳

桂殿秋

見洞霄詩集

飛翠蓋走藍輿亂山千疊為先驅洞天迎目深且窈滿

耳天風吹步虛

又

噴獸石錯虬松黛嵐終日下天風杖藜攜我恣遙望縹

渺霓裳飛碧空

又

金帶重紫袍寬到頭不似羽衣閔君王若許供香火神

武門前早挂冠

周晉

字叔明號嘯齋密之父

清平樂

見絕妙好詞



圖書一室香暝垂簾密花滿翠壺熏研席睡覺滿窓晴  
日手寒不了殘碁篝香細勘唐碑無酒無詩情緒欲  
梅欲雪天時珊瑚網載郭昇跋云大德十一年歲丁未  
十月初十日客寓燕山奔走暮歸黃塵滿  
面挑燈讀此詞一過想像江南如夢中也

柳梢青 楊花

似霧中花似風前雪似雨餘雲本自無情點萍成綠却  
又多情 西湖南陌東城甚管定年年送春薄倖東風  
薄情游子薄命佳人

張

樞

字斗南號雲窓又稱寄閒翁西秦人鎡之孫炎之父

周公謹云斗南筆墨蕭爽人物醞藉善音律嘗度依聲集百闕音韻諧美真承平佳公子

也詞源云先人曉暢音律有寄閒集旁綴音譜刊行於世每作一詞必使歌者按之稍有不協隨即改正曾賦瑞鶴仙云云

瑞鶴仙

見絕妙好詞

捲簾人睡起放燕子歸來商量春事芳菲一作風光又無一作  
能幾減風光一作芳菲都在賣花聲裏吟邊眼底被嫩綠移

紅換紫甚等閑半委東風半委小橋流水 還是苔痕

滿雨竹影留雲待晴猶未蘭舟靜艤西湖上多少歌吹

粉蝶兒守定落花不去聞了尋香兩翅怎知人一點新

愁寸心萬里 此詞與詞源字小異

春寒風入松



春寒嬾下碧雲樓花事等閒休紅絲濕透秋千索記伴  
仙曾倚嬌柔重疊黃金約臂玲瓏翠玉搔頭 熏爐誰  
熨暖衣篝消遣酒醒愁舊巢未著新來燕任珠簾不上  
瓊鈎何處東風院字數聲揭調甘州

南歌子

柳戶朝雲濕花朝午篆清東風未放十分晴留戀海棠  
顏色過清明 壘潤棲新燕籠深鎖舊鶯琵琶可是不  
堪聽無奈愁人把做斷腸聲

壺中天

月夜登繪幅堂與篋房各賦一解

雁橫迴碧漸烟收極浦漁唱催晚臨水樓臺乘醉倚雲  
引吟情閒遠露腳飛涼山眉鎖暝玉宇冰奩滿平波不  
動桂華底印清淺 應是瓊斧修成鉛霜擣就舞霓裳  
曲遍窈窕西窗誰弄影紅冷芙蓉深苑賦雪詞工留雲  
歌斷偏惹文簫怨人歸鶴唳翠簾十二空捲

謁金門

春夢怯人靜玉闌平帖睡起眉心端正貼綽枝雙杏葉  
重整金泥蹀躞紅皺石榴裙摺款步花陰尋蛺蝶玉  
纖和粉捻

慶宮春

斜日明霞殘紅分雨軟風淺掠蘋波聲冷瑤笙情踈寶



扇酒醒無奈秋何彩雲輕散漫敲缺銅壺浩歌眉痕留  
怨依約遠峰學斂雙蛾 銀牀露洗涼柯屏掩香消忍  
掃茵羅楚驛梅邊吳江楓畔庾郎從此愁多草蟲墮砌  
料催織迴文鳳梭相思遙夜簾捲翠樓月冷星河

戀繡衾

見浩然齋雅談

屏綃裊潤惹篆烟小窗閒人泥晝眠正雪暖茶蘼架奈  
愁春塵銷雁絃 楊花做了香雲夢化池萍猶泛翠鈿  
自不怨東風老怨東風輕信杜鵑

清平樂

鳳樓人獨飛盡羅心燭夢繞屏山三十六依約水西雲

北 曉奩嬾試脂鉛一縷鸞髻微偏留得宿妝眉在要  
教知道孤眠

木蘭花慢

歌塵凝燕壘又軟語在雕梁記剪燭調絃翻香校譜學  
品伊涼屏山夢雲正暖放東風捲雨入巫陽金冷紅條  
孔雀翠閒綵結鴛鴦 銀缸燄冷小蘭房夜悄怯更長  
待采葉題詩含情贈遠烟水茫茫春妍尙如舊否料啼  
痕暗裏浥紅妝須覓流鶯寄語爲誰老却劉郎

徐南溪

陸文圭詞源跋玉田張君著詞源上下卷推  
五音之數演六律之譜按月紀節賦情咏物



自稱得聲律之學於守齋楊公南溪徐公  
按詞源序曰余疎陋謏才昔在先人侍側聞  
楊守齋毛敏仲徐南溪諸公商確音律嘗知  
緒餘南溪詞必多可採惜不多見也

瑞鶴仙

見陽春白雪

暮霞紅映沼恨柳枝踈瘦不禁風攪投林數歸鳥更枯  
莖敲荻糝紅堆蓼江寒浪小雁來多音書苦少試看盡  
水邊紅葉不見有詩流到煩惱凭闌人去枕水亭空  
路遙天杳情深恨渺無計訴與伊道漏聲催門外霜清  
風細月色今宵最好怎割捨美景良時等閑睡了

趙汝茷

字參晦號霞山又號退齋宋宗室  
世系表簡王元份入世孫善官子

按周密做顰十解有擬趙參晦醉落魄詞

浣溪沙

見陽春白雪

笑摘青梅傍綺疏數枝花影漾前除太湖石畔看金魚  
筍指曉寒慵出袖翠鬟春嬾不成梳爲君縫狹繡羅

襦

清平樂

錦平香褪寒隱輕衫嫩燕子護泥飛不穩庭掩百花難  
認雙雙繡帶微風海棠此夜簾櫳愁口一番寒食小  
窗淡月殘紅

戀繡衾

柳絲空有萬千條繫不住溪頭畫橈想今宵也對新月



過輕寒何處小橋  
玉簫臺榭春多少  
溜啼痕杏臉未  
消怪別來  
臙支慵傅被東風偷在杏梢

謁金門

羞說起嚼破白桃花蕊  
人在夕陽深巷裏  
燕兒來也未  
一樣半紅半紫  
雙鳳同心結子  
分在郎邊郎不記  
爲郎今拆碎

摘紅英

東風冽紅梅拆  
畫簾幾片飛來雪  
銀屏悄羅裊小一點  
相思滿塘春草  
空愁切何年徹  
不歸也合分明說  
長安道簫聲聞去時  
驄馬誰家繫了

夢江南

簾不捲  
細雨熟櫻桃  
數點霽霞天  
又晚一痕涼  
月酒初消  
風緊絮花高  
蕭閑處磨盡少年豪  
昨夢醉來騎白鹿  
滿湖春水段家橋  
濯髮聽吹簫  
如夢令  
小砑紅綾箋紙  
一字一行春淚封了  
又親題題了  
又還  
拆起歸未歸  
未好箇瘦人天氣

梅花引

陽春白雪以爲無名氏作今從絕妙好詞改歸參晦

對花時節不會歡  
一作見花殘任花殘  
小約簾櫳一面  
受春寒  
題破玉牋雙喜鵲  
香燼冷繞雲屏  
渾是山哀待



眠未眠事萬千也問天也恨天髻兒半偏繡裙兒寬了  
還寬自取紅氍重坐暖金船惟有月知君去處今夜月  
照秦樓第幾間

漢宮春

著破荷衣笑西風吹我又落西湖湖間舊時飲者今與  
誰俱山山映帶似攜來畫卷重舒三十里芙蓉步障依  
然紅翠相扶 一目清無留處任屋浮天上身集空虛  
殘燒夕陽過雁點點疎疎故人老大好襟懷消滅全無  
漫贏得秋聲兩耳冷泉亭下騎驢

趙希彭

字清中號十洲四明人寶慶二年進士宋宗室世系表燕王德昭九世孫師鄭長子

霜天曉角

桂

見陽春白雪

嫦娥戲劇手種長生粒寶幹婆娑千古飄芳吹滿虛碧  
韻色檀露滴人間秋第一金粟如來境界誰移在小  
亭側

秋蕊香

見絕妙好詞

髻穩冠宜翡翠壓鬢絲絲金蕊遠山碧淺蘸秋水香煖  
榴裙襯地 寧寧二八餘年紀惱春意玉雲凝重步塵  
細獨立花陰寶砌

蕭

翦

字則山號大山臨江人紹定中進士以太府丞奉祠

管大勳臨江府志蕭翦工篆隸凡名勝匾額多其所書尤善吟咏



梅磻詩話蕭大山贈陸水詩純用陸姓事詩  
云標格真清挾雪霜每聽新咏覺神傷茶分  
鴻漸經中味菊愛龜蒙賦裏香圃積玉多知  
學飽囊裝金少爲貪忙向來笑疾難醫在老  
筆空鈔十卷方與東坡贈張子野詩頗相類  
鴻漸對龜蒙尤的  
按樂雷發雪磯叢稿寄蕭大山兄弟云兄弟  
自爲千古計江湖方誦二蕭詩又訪蕭大山  
父子云家傳入葉鹽梅種詩接三蘇父子名  
可想見其一門風雅也

### 朝中措

見陽春白雪

半山社雨欲黃昏燕子不過門楊柳染深綠意海棠啼  
損紅痕綺寮粧束寶釵歌舞玉枕温存一段舊情有  
味十分新恨無言

### 戀繡衾

倚闌閑看燕定巢舊彈箏因病久拋畫不盡殘眉黛被  
東風吹在柳梢曉來暗理傷春曲把金釵枕畔細敲  
書寄與天涯去并相思紅淚一包

### 滿江紅

和陳漕使仙湖韻

莫是西湖分一派殘波剩碧閑問著鶯仙丹事老榕知  
得苻水帶長鷗踏損柳風絮暖魚吞入只前山依舊漢  
時青晴還濕亭疎好何消密花少好無多植聽黃鸝  
三請要詩翁出消渴泉斟寒玉液留題石剝蒼苔色歎  
而今翻美口南春乾坤窄

### 蕭泰來

字則陽號小山弟臨江人  
紹定二年進士有小山集



言系補遺卷九  
癸辛雜識云泰來理宗朝御史附謝丞相為  
右司李伯玉所劾姚希得指為小人之宗

霜天曉角

梅

見絕妙好詞

千霜萬雪受盡寒磨折賴是生來瘦硬渾不怕角吹徹

清絕影也別知心惟有月元沒春風情性如何共海

棠說

庶齋老學叢談云此作與王瓦全梅詞命意措詞畧相似

徐元杰

字仁伯信州上饒人紹定五年進士第一累官國子祭酒權中書舍人拜工部侍郎謚忠

愍宋史有傳有梅

按宋史稱元杰當史嵩之起復攻之甚力卒寢成命後以暴疾卒人皆以為嵩之毒之臺諫及太學生徒上疏訟冤詔置獄追勘迄不能白趙汝騰序其集亦極言其死狀不明為可悲也

滿江紅

以梅花東鉛山宰

似玉仙人三載見西湖清客擷不碎一團和氣只伊消

得雪裡水中霜態度臘前冬後春消息看簾垂清晝一

張琴中間著寒谷裏輕回脚魁手段堪描摸喚東風

吹上蘭臺芸閣只怕傅巖香不斷摩挲商鼎羹頻作管

一番滋味一番新今如昨

陸叡

字景思號雲西會稽人佃五世孫紹定五年進士建康志淳祐中沿江制置使參議除禮

部員外郎崇政殿說書

瑞鶴仙

見陽春白雪

濕雲粘雁影望征路愁迷離緒難整千金買光景但疎



鐘催曉亂鴉啼暝花悰暗省許多情相逢夢境便行雲  
都不歸來也合寄將音信孤迥盟鸞心在跨鶴程高  
後期無準情絲待剪翻惹得舊時恨怕天教何處參差  
雙燕還染殘朱賸粉對菱花與說相思看誰瘦損

八聲甘州

送翁時可如宛陵

問纏腰跨鶴事如何人生最風流怕江邊潮汐世間歧  
路只是離愁白馬青山往事贏得鬢先秋日送紅橋晚  
幾番行舟蘭佩空餘依黯便南風吹水人也難留但  
從今別後我亦似浮漚敬亭上半床琴月記彈將寒影  
落南州秋聲裏塞鴻來後爲爾登樓

劉之才

字賓玉  
號藥房

聲聲慢

和陸景思黃木香

見陽春白雪

羞朱妬粉染霧裁雲澹然蒼珮仙裳半額峰粧莫道梳  
洗家常碧羅亂縈小帶翠蛟寒一架春香清思苦憶晴  
嬌無力如待韓郎密幄籠芳吟夜任露沾輕袖月轉  
空梁弱骨柔姿偏解勾引詩狂遺鈿碎金滿地恨無情  
風送韶光閑晝永看青青垂蔓過墻

蘭陵王

賦胡伯雨別業

此何夕天水空明一碧商量賦如此江山幾箇斜陽了  
今昔荒臺步晚色沙鳥依稀曾識啼鷓外人遠未歸江



詞綜補遺卷九  
開晴虹卧千尺 殘碑薜痕積 記當日清遊夫君題墨  
碧瑤仙去蒼雲隔 飛一鏡秋冷列屏天遠雞聲人語半  
郊邑寄情又江國 愁絕怕聞笛正怨苦溪猿飛倦汀  
翼陰陰翡翠迷津驛 慨世事塵化吾心形役清吟孤往  
渺醉影夜翠濕

玲瓏四犯

幾疊雲山隔不斷 闌干天外疑眺秋與愁併梧逕雨痕  
先表嬌夢半握芙蓉奈曲曲翠屏深窈問愁根當年誰  
種漠漠淡煙衰草 鴛鴦懶拂蘋花影記眉嫵縈情多  
少輓轡玉虎牽絲轉聽盡秋缸曉算誰念卧雲衣冷香  
壓金蟾小寫新詞先寄江鴻歸去且教知道

聲聲慢

五日

湘雲織玉楚葛篝香 澡蘭簾幙風靜 怨抑難招 沉魄當年  
獨醒 莫唱江南古調 念天涯深情誰省 時暗換 最秦  
樓悵望 歸期無定 曾是榴裙誤寫 怕照眼 枝頭絳綃  
花並巧 篆盤絲午鏡 綠窻開影 香蒲也應細剪 但年年  
斷零愁冷 迎醉面 看銀蟾飛浴露井

賀新郎

憶鶴

蒼蘚粘溪路 悵山君 翛然羽化 夢魂何許 曾約秋雲縈  
客衲 舞傍吟臯硯 塢矯清唳 裂雲穿宇 江碧空濛無處



詞綜補遺卷九  
問問孤山梅底人知否烟夜永耿心語  
瑤華一去成  
幽阻倚修篁抱琴愁絕天寒日暮城郭悲歌華表恨此  
事銷凝千古有招隱小山能賦蕙帳空兮誰夜怨算課  
騷讀易俱淒楚步深窈墮松露

菩薩蠻

題花曾蘸花心露當初誤結丁香樹往事小蠻窗新愁  
桃葉江 緩歌留薄醉急豔人千里梅瘦月闌干斷雲  
春夢寒

解連環

晚雲粘濕正吳峰慘淡雨迷烟接早陡頓秋事分攜甚  
連苑莫墻菊荒苔匝空闊愁鄉更天外怨鴻聲急怕吟  
肩易瘦料理篝衣細認香摺 銀缸半明半滅念花營  
柳陣何日消歇可是凝黯蘭成爲情潤才鬆麗賦多愜  
洛浦溟濛漫佇想明璫鈎襪告梧桐夜深畧住夢時一  
霎

胡翼龍

字伯雨  
號蒙泉

按伯雨履貫未詳劉藥房有賦胡伯雨別業  
及和陸景思黃木香二詞當爲理宗時人吟  
以次附於後

宴清都

見陽春白雪

夢雨隨春遠征衫薄短篷猶逗寒淺裁芳付葉書愁沁



壁水窻竹院別來被篝梅潤暗塵積舊題紈扇許多時  
間了闌干放得蘚痕青滿 誰念杜若還生蘋花又綠  
不堪重口山程水記茶經硯譜共誰閑展湖山舊會游  
徧不恠近番心懶恰今朝水落洲平江上楚帆風轉

徵招

蘋花又綠江南岸賓鴻帶將寒去幾許落梅愁渺暗香  
何處一春長是雨剩費却翠篝沈炷冷隔簾旌潤銷窻  
紙有人吟苦 燕壘漬芹香畫堂永關心去年情緒愁  
壓曲屏深更小山無數濺裙舊事誤口口口口口口  
口朱闌不了銷凝移損秦箏柱

八聲甘州

甚年年心事占秋多芳洲亂蕪生正小山已桂東籬又  
菊秋爲人清腸斷洞庭葉下倚西風誰可寄芳蘅嫋嫋  
愁余處欲醉還醒 爲問素娥飲否自謫仙去後知與  
誰明耿盈盈如此分影落瑤觥步高臺夜深人靜有飛  
仙同跨海山鯨歸來也遠游歌罷失却秋聲

洞仙歌

半闌花雨是夜來凭處夢過溪橋逢柳住亂鶯聲殘酒  
醒正是關情小枕上吟就迴文錦句 歸鴻應別浦綠  
漲瀾茫早近湖陰喚船路覽芳菲歌窈窕獨立莎根剩



言終補遺卷九  
一掬閒情淒楚口欲待折微馨寄相思又生怕相思帶  
將愁去

滿庭芳

愁徹閑花吟枯硯海日長多費茶烟懷芳心苦特此過  
年年雨外飛紅何許應流到采綠洲邊銷凝處別離情  
緒正是海棠天 吹花題葉事如今夢裡記得依然料  
歸來鶯居春後燕占人先誰念文園倦客琴空在嬾向  
人彈愁何極楚天老月偏是到窻前

鷓鴣天

六曲銀屏夢隔雲半分鸞影匣生塵別來可是春愁覺  
試著輕衫不貼身 風月夜短長亭也須聞得子規聲  
歸時莫看花梢上但看芳洲綠幾深

少年游

曉鶯聲脆雨花乾倦枕夢初殘衣漬香留窻深紙暗把  
鏡近檐看 斷雲壓損溪橋柳花逕雪闌斑深倚屏根  
閑敲詩字酒醒倍春寒

霓裳中序第一

江郊雨正歇燕子飛來人憶別未了殘梅怨結渺野色  
波光春與天接相思遼闊怕柳風吹老吟髮鬪情處滿  
汀芳艸遮莫是鷓鴣 時節一晌愁絕謾料理新翻幾



詞山尊堪共誰設夢到斷橋飛絮仍雪歲華休省閱早  
霍地小園花發已辦著海棠開後獨立半廊月

夜飛鵲

星橋度情處地久天長塵世無此匆忙織雲淡蕩涼蟾  
小家家瓜果錢塘愁人獨無那歎紫簫易斷青翼難將  
返魂何在漫空留荀令餘香思記穿針兒女篝塵想  
都暗疊損衣裳誰念才情未減老來何遜少日盧郎柳  
風荷露黯銷凝羅扇練囊更銀河曲曲玉籤點點都是  
淒涼

西江月

水霽芹香燕觜林深風暖鶯吭一春心事錦機傍忘却  
尋芳模樣柳絮池塘晝午梨花院落昏黃闌干曲曲  
是回腸倚到西廂月上

踏莎行

合數冰蓮注情金葉臂痕猶記喚時迹小樓幾個月黃  
昏荷香柳影都知得問字燈深學書窻黑衣襟詩卷  
留殘墨相思不抵藕絲長夢雲斷處吳山碧

又

照眼菱花翦情菰葉綵雲散後無蹤跡聽郎言語識郎  
心當時一點誰消得柳暗花明螢飛月黑臨窻滴淚



研殘墨合歡帶上舊題詩如今化作相思碧

南歌子

山枕鶯聲曉羽觴花片飛昨朝猶道未成歸不記春衫襟上舊題詩  
愁眼垂楊見苦心紅燭知翻成怕見別離時只寄一聲將息當相思

長相思 題甘樓

南山鐘北山鐘一聽鐘聲百念空古今昏曉中 望秋

風數秋風等得秋來等過鴻燈前書一封

張友仁

字仲父晉陵人官永州府丞

水調歌頭

紹定庚寅二月十六日遊淡巖賦見淡巖石刻

石屋勢平曠峭壁幾巉巖妙哉天造地設誰復謂神剌  
疇昔涪翁題品曾記塵寰稀有豈特冠湘南趁取脚輕  
健相與上高寒 避秦者君莫問意其間祖龍文密至  
今草木尙愁顏贏得功成丹鼎久矣乘風而去跨鶴與  
驂鸞猶有白雲在鎮日繞禪關

吳千能

水調歌頭

款署伊維吳千能守瀟湘入閱月迺得游淡巖真天下奇觀也賦水調刻諸石

弟千兒子奕侍客蔣涇曹昌佑偕行紹定庚寅清明日見淡巖石刻

澹氏人安在縹緲九霄間我來唯有石屋周覽百尋寬  
一曲中分夷險兩牖空光平布滿洞貯清寒高致自堪



仰何必論金丹  
兩周賢士知此意  
薄秦官一牀一枕依  
然猶伴白雲閑  
門外俗塵如海門  
裏道心如水談笑足  
迴瀾此事無今古  
不信叩喻山

徐逸

字無競號抱獨子天台人

梅磻詩話詩人遊孤山弔和靖者佳製不一而足近世徐抱獨之作人多稱之云咸平處士風流遠招得梅花枝上魂疎影暗香如昨日不知人世幾黃昏

仇遠稗史徐抱獨少與朱文公爲友公提舉浙東日過其家然燈夜話至鐘鳴而別公嘗托無競作謝恩表書云可放筆力稍低使人見之無假手之議也其推獎如此  
按周密志雅堂雜鈔載紹定辛卯徐逸跋毛復父所藏盧鴻草堂圖自稱汝陽被褐公汝陽當是其郡望也

清平樂

見陽春白雪

風韶雨秀春色平分後  
陡頓故人疏把酒閑  
凭畫闌搔首  
爭須攜手蹋青人  
生幾度清明待得燕慵鶯嬾  
楊花點點浮萍

曾原一

字子寔號蒼山贛州寧都人領鄉薦紹定中與戴石屏結江湖吟社

梅磻詩話曾原一七歲賦楊妃襪詩云萬騎西行駐馬嵬  
麥波曾此墮蒼埃誰知一掬香羅小踏轉開元  
宇宙來造語警拔寓意精深殊不類幼稚者

菩薩蠻

見陽春白雪

淡黃斜日留汀草  
簷低半露遙岑小  
病眼不禁愁  
闌干無數秋  
雁聲何處落  
舊夢還驚覺  
風重葛衣單  
深山



吹笛寒

小重山

薄雪初消銀月單疎疎浮竹影矮紅闌梅花夢裏落孤  
山禁人處霜重鼓聲寒 留取晚來看斑簾低小閣燭

花殘一帆明日去滄灣空相憶雪浪月痕翻

謁金門

梅粉褪點點雨聲春恨半吐桃花芳意嫩草痕青寸寸  
把酒花邊低問莫解寒深紅損等待春風晴得穩琵琶  
重整頓

詞綜補遺卷九

詞綜補遺卷九

詞



詞綜補遺卷十

宋詞七十一首

長洲陶樑緝

吳則禮 十二首

徐寶之 三首

施岳 五首

吳仲方 五首

徐照 五首

薛師石 六首

許玠 一首

趙與鄒 一首

王澡 二首

黃簡 三首

王同祖 三首

鄭楷 一首

朱藻 一首

黃時龍 三首



王 謙 七首

李霜涯 一首

許 棐 七首

趙浦夫 一首

趙野雲 一首

鄧有功 二首

林表民 一首

吳則禮

字子副富川人以父御史中復廢入仕官至祕閣知虢州晚居豫章自號北湖居士有北

湖集五卷

四庫全書總日子副事跡僅見於陳振孫書錄解題今觀集中李長者像序署銜知嘗為軍器監主簿又續百憂集行有疇昔罪臣投荆州之句則又以事遭貶也

江樓令 晚眺

凭闌試覓江樓句聽考考城頭暮鼓數騎翩翩度孤戍

盡雕弓白羽 平生正被儒冠誤待閒看將軍射虎朱

檻瀟瀟過微雨送斜陽西去

虞美人 送晁適道

夜寒閒倚西樓月消盡江南雪東風明日木蘭船想見

陽關聲徹雁連天 斜斜洲渚溶溶水端負青春醉平

安小字幾時回空有暗香疎影隴頭梅

又 泛舟東下

從來強作游秦計只有貂裘敝休論范叔十年寒看取

星星種種坐儒冠 江湖舊日漁竿手初把黃花酒且

憑洛水送歸船想見淮南秋盡水如天



寄濟川

烏皮白氎西窗暖種種霜毛短小春何處有梅花想見  
水邊籬落數枝斜 殊方他日登樓句好在孤吟處五  
年拚落醉魂中試覓酒爐陳跡問黃公

減字木蘭花 寄真寧

南雲不斷點綴南雲秋幾雁白露沾衣始是銀屏夢覺  
時 別離懷抱消得鏡中青鬢老小字能無頻寄平安  
一紙書

又

斑斑小雨初入高梧黃葉暮又是重陽昨夜西風作許

涼 鮮鮮叢菊只解彫人雙鬢綠試傍清樽分付幽香  
與斷魂

又 貽亢之

淮山清夜鏡面平舖纖月挂端是生還同倚西風十二  
欄 休論往事投老相逢真夢寐兩鬢踈踈好在松江

一尺鱸

滿庭芳 立春

聲促銅壺灰飛玉琯夢驚偷換年華江南芳信踈影月  
橫斜又喜椒觴到手寶勝裏仍翦金花釵頭燕妝臺弄  
粉梅額故相誇 隼旗人未老東風嫋嫋已傍高牙漸



言終補遺卷十  
園林月永疊鼓疑笳小字新傳秀句歌扇底深把流霞  
聊行樂他時畫省歸近紫皇家

九日

玉壘金樽清秋關塞最宜催喚香醪涼風吹帽橫槊試  
登高想見征西舊事龍山會賓主俱豪來羣雁涼生畫  
角紅葉聚亭皋南州應好在長關夢眼天際雲濤有  
一簪黃菊兩鬢霜毛快把金荷共倒凝望久只遣魂銷  
君須聽新翻宴樂餘韻響檀槽

醉落魄

賞殘梅

梅花褪雪賞心莫遣慵歡悅大家且恁同攀折餘蕊殘  
英偏稱淡籠月當初相見花爭發如今花謝人離缺  
一年又比一年別惟有花枝只是舊時節

雨中花

詠揚州梅

夢破淮南春信漸入江梅暗香初發乞與橫斜疎影爲  
憐清絕梁苑相如平生有賦未甘華髮便廣寒爭遣昭  
華驚怨詎妨輕折揚州二十四橋鼓吹不道畫樓聲  
歇生怕有江邊一樹要堆輕雪老去苦無歡事凌波空  
有纖襪恨無好語何郎風味定教誰說

鳳林園

林塘朱夏雨過斑斑綠苔繞地初遍葉底雛鶯猶記日



斜春晚芙蓉靚妝紅粉傍高荷閑倚歌扇輕風起縠紋  
灑灑翠生波面 可是追涼月下清坐九微雲屢遮星  
漢露濕綸巾遙望玉清臺殿白頭共論勝事要須償五  
湖深願南枝好有南飛鳥鵲繞枝低轉

徐寶之

字鼎夫號西麓  
理宗時貢士

按劉後邨送徐鼎夫用廬陵通守戴文韻詩  
有若棹扁舟見安道為言歲晚習申韓之句  
知鼎夫嘗作客江右也

桂枝香

見陽春白雪

人間秋至對暮雨滿城沈思如水桐葉驚風似語怨蛩  
齊起南樓月冷曾多恨怕而今夜深橫吹那堪更聽蕭

蕭槭槭透窻搖睡 問楚夢閑雲何地但手約輕綃省  
人深意紅樹池塘誰見宿妝疑睇舊時裘馬行歌事合  
都歸汀蘋烟芷思王漸老休為明璫沈吟洛涘

沁園春

春寒

水榭春寒梅雪漫堦竹雲墮墻數花時近也菜香芳徑  
舊時著處看月西窻十二樓中玉妃臥冷嬾掬燕支放  
海棠層隄外渺歸鴻無數江樹蒼蒼 席蓑夜禮東皇  
翦蕙葉為牋當綠章道杏晴三月等鶯啼曉草烟萬里  
口鳩鳴芳九十日春三千丈髮如此愁來白更長江南  
岸正柳邊無路沙雨微茫



鶯啼序

荼蘼一番過雨洒殘花似雪向清曉步入東風細拾苔  
砌餘靨有數片飛霑翠柳縈迴半著雙歸蝶悄無人共  
立幽禽昵昵能說因念年華最苦易失對春愁暗結  
歎自古曾有佳人長門深閉修潔寄么弦千言萬語悶  
滿眼欲彈難徹靠珠櫳風雨微收落花時節春工漸  
老綠草連天別浦共一色但暮靄朝烟無際盡日日極  
江北江南杜鵑叫裂此時此意危魂黯黯渭城客舍青  
青樹問何人把酒來看別思量怎向遲回獨掩青扉夕  
陽猶照南陌春應記得舊日踈狂等受今磨折便永  
蕙葉回春坐聽蓬壺漏聲細咽

施岳

字仲山  
號梅川

武林舊事云施梅川吳人精于律呂其卒也  
楊守齋爲樹梅作亭薛梯巖爲誌其墓李質  
房周草窻題蓋葬于西湖虎頭巖下  
按蘋洲漁笛譜有次韻施仲山紫霞翁開燕  
梅邊齊天樂蒲節大聖樂諸詞是仲山與草  
窻同游守齋之門分題選韻角逐詞場爲一  
時盛事惜原詞諸選未收或卽在草窻所編  
缺數六首之內無從考補遂使珠璣零落爲  
可惜也

水龍吟

見絕妙好詞



翠鰲湧出滄溟影橫棧壁迷煙墅樓臺對起闌干重凭  
山川自古梁苑平燕汴隄踈柳幾番晴雨看天低四遠  
江空萬里登臨處分吳楚 兩岸花飛絮舞度春風滿  
城簫鼓英雄暗老昏潮曉汐歸帆過艣淮水東流塞雲  
北渡夕陽西去正淒涼望極中原路杳月來南浦

解語花

雲容返雪莫色添寒樓臺共臨眺翠鼓深宵無人處數  
蕊弄春猶小幽姿謾好遙相望含情一笑花解語因甚  
無言心事應難表 莫待墻陰暗老稱琴邊月夜笛裏  
霜曉護香須早東風度咫尺畫欄瓊沼歸來夢繞歌雲  
墜依然驚覺想恁時小几銀屏冷未了

蘭陵王

柳花白飛入青烟巷陌憑高處愁鎖斷橋十里東風正  
無力西湖路咫尺猶阻仙源信息傷心事還似去年中  
酒慊慊度寒食 閒窗掩春寂但粉指留紅茸唾凝碧  
歌塵不散蒙香澤念鸞孤金鏡雁空瑤瑟芳時涼夜盡  
怨憶夢魂省難覓 鱗鴻渺蹤跡縱羅帕親題錦字誰  
織緘情欲寄重城隔又流水斜照倦簫殘笛樓臺相望  
對暮色恨無極

曲遊春

清明湖上



畫舸西冷路占柳陰花影芳意如織小楫衝波度麴塵  
扇底粉香簾隙岸轉斜陽隔又過盡別船簫笛傍斷橋  
翠繞紅圍相對半篙晴色頃刻千山暮碧向沽酒樓  
前猶繫金勒乘月歸來正梨花夜綺海棠烟冪院宇明  
寒食醉乍醒一庭春寂任滿身露濕東風欲眠未得

步月 茉莉

玉宇薰風寶階明月翠叢萬點晴雪煉霜不就散廣寒  
霏屑采珠蓓綠萼露滋噴銀艷小蓮冰潔花魂在纖指  
嫩痕素英重結枝頭香未絕還是過中秋丹桂時節  
醉鄉冷境怕翻成消歇玩芳味春焙旋熏貯穠韻水沈

頻爇堪憐處輸與夜深睡蝶原註茉莉嶺表所產古今  
咏者不甚多文公會咏二  
絕句鄒道鄉亦會題咏此篇小蓮冰潔之句狀茉莉最  
佳此花四月開直至桂花時尙有玩芳味古人用此花  
焙茶故云

吳仲方

字季仁雷川人範七世  
孫仲學之兄有秋潭集  
按季仁所撰虛齋樂府已佚今四庫所編江  
湖後集從永樂大典中錄出詞數首內鵲橋  
仙承遇樂兩闋詞綜以為趙以夫作不復甄  
錄

漢宮春

次方時父元夕見寄

投老歸來記踏青隄上三度逢君寒窻冷淡活計明月  
空樽紅紅白白又一番春色撩人誰信道閒中天地園  
林幾見成塵今夕偶無風雨便滿城簫鼓來往紛紛



詞綜補遺卷十  
鰲山寶燈照夜羅綺千門珠簾晝捲看娉婷水上行雲  
應自笑周郎少日風流羽扇綸巾

木蘭花慢

漳州元夕

玉梅吹霽雪覺和氣滿南州更連夕晴光一番小雨朝  
靄全收人情不知底事但黃童白叟總追遊駕海千尋  
綵袖漲空萬點星球風流秀色明眸金蓮步墮輕柔  
任往來燕席香風引舞清管隨謳何曾見癡太守已登  
車去也又遲留人似多情皓月十分照我登樓

夜飛鵲

七夕和方時父韵

微雲拂斜月萬籟聲沈涼露暗墜桐陰蛾眉乞得天孫  
巧悄悄樓上穿鍼佳期鵲相報到年時此夕歡淺愁深  
人間兒女說風流到如今河漢幾會風浪因景物牽  
情自是人心長記秋庭往事鈿花剪翠釵股分金道人  
無著正蕭然竹枕練衾夢回時天淡星稀閑弄一曲瑤

琴

賀新郎

送鄭怡山歸里

載酒陽關去正西湖連天野草滿天晴絮采翠拾芳遊  
冶處膺和嬌弦艷鼓看柳外畫船無數萬頃琉璃渾鏡  
淨陟風波沟沟魚龍舞談笑裏遽如許流觴滿引澆  
離緒便東西斜陽立馬淥波前浦自是尊鱸高興動恰



值春山杜宇謾回首軟紅香霧咫尺佳人千里隔望空  
江明月橫洲渚清夢斷恨如縷

沁園春 自鄞歸賦

客問吾年吾將老矣今五十三似北海先生過之又過  
善財童子參到無參官路太行世情滄海何止稽康七  
不堪歸來也是休官令尹有髮瞿曇 千巖秀色如藍  
新著個樓兒恰對南看浮雲自在百般態度長江無際  
一碧虛涵荔子江珧蒔羹鱸膾一曲春風酒半酣憑欄  
處正流空皓月光滿寒潭

徐照 字道輝又字靈暉號山民永嘉人與徐璣翁  
卷趙師秀號永嘉四靈詩工晚唐體有山民

集一卷

南歌子

按趙紫芝清苑齋集喜徐道輝至云嗜茶身  
益瘦兼恐欲通神挽詞則云平日惟耽茗墳  
前種幾株徐靈淵贈道輝亦有詩清都爲飲  
茶多之句其癖固不在盧玉川下也  
見絕妙好詞

簾景筵金線爐烟裊翠絲菰芽新出滿盆池喚取玉瓶

添水買魚兒 意取釵重碧慵梳髻翅垂相思無

處說相思笑把畫羅小扇覓春詞

清平樂

綠圍紅繞一枕屏山曉恁得今朝偏起早笑道牡丹開  
了迎人捲上珠簾小螺未拂眉尖貪教玉籠鸚鵡楊



花飛滿妝奩

阮郎歸

綠楊庭戶靜沈沈楊花吹滿襟晚來閒向水邊尋驚飛  
雙浴禽 分別後重登臨暮雲天氣陰妾心移得在君  
心方知人恨深

玉樓春

見陽春白雪

螢飛月裏無光色波水不搖樓影直每憐宿粉浣啼痕  
嬾把舊書觀字跡 枯荷露重時聞滴君夢不來誰阻  
隔妾身不畏浙江風飛去飛來方瞬息

瑞鷓鴣

雨多庭石上苔紋門外春光老幾分爲把舊書藏寶帶  
誤翻殘酒濕綃袞 風頭花片難裝綴愁裏鶯聲怯聽

聞恰似剪刀裁破恨半隨妾處半隨君

薛師石

字景石永嘉人敷文待制弼曾孫隱居不仕  
築屋會昌湖西名曰瓜廬有瓜廬集一卷

王綽薛瓜廬墓誌景石小楷初授法于單炳  
文日經月緯已忽超詣落筆期于鍾王之次  
籀象斯隸深造其極四方士友求于門景石  
不靳惜畀之銘祖父有不得景石書爲恨  
按趙紫芝題薛氏瓜廬云惟應種瓜事猶被  
讀書分徐靈暉云自鋤畦上草不放手  
徐靈淵云因看瓜蔓吐識得道心長趙汝回  
序稱瓜廬與四靈聚吟獨主古淡神悟意到  
自然清空不似四靈之刻苦也

漁歌子

見宋百家詩存



十載江湖不上船捲簾高卧月明天今夜泊杏花灣只  
有笳簫當酒錢

又

鄰家船上小姑兒相問如何是別離雙墮髻一灣眉愛  
看紅鱗比目魚

又

平湖霧靄雨初晴兒子敲針作釣成香餌小繭絲輕釣  
得魚兒不識名

又

春融水暖百花開獨棹扁舟過釣臺鷗與鷺莫相猜不

是逃名不肯來

又

夜來采石渡頭眠月下相逢李謫仙歌一曲別無言白  
鶴飛來雪滿舟

又

莫論輕重釣竿頭伴得船歸即便休酒味薄勝空甌事  
事何須著意求

許

玠

字介之襄邑人

有東溪詩藁

雪磯叢藁題許介之譽文堂詩序端平丙申  
桂林伯尙書鍾公以遺逸薦東溪先生許侯  
於朝越明年得旨補初品官衡州戶掾誥詞  
有夙有譽處且嫻文詞之褒州里人士莫不



言絲補遺卷一  
榮之又明年許侯乃於東溪之濱創堂五間  
以為講道著書之地仍摘天語譽文二字以  
張其名敬上賜也  
劉後村云端平以來與江西曾無疑金華杜  
叔高九華葉子真同聘召之士有衡陽許介  
之蓋介之南渡寓家衡陽晚年始被召也  
見陽春白雪

西風又轉蘆花雪故人猶隔關山月金雁一聲悲玉腮  
雙淚垂 繡衾寒不暖愁遠天無岸夜夜卜燈花幾時

郎到家

趙與鉞

詞本誤作鉞字慶御號崑崙宋史宗室世系表燕王十世孫希沂第三子

謁金門

見絕妙好詞

歸去去風急蘭舟不住夢裏海棠花下語醒來無覓處

薄倖心情似絮長是輕分輕聚待得來時春幾許綠  
陰三月暮

王澡

字身甫初名津字子知寧海人官太常博士有瓦全集

方岳深雪偶談太常博士瓦全王先生有落  
梅小詞云云劉公潛夫已附於後邨集詩話  
子亦僭附之拙橐先生文行表表一詞固何  
足為軒輊也予少時即登門以先公同生丙  
戌且相友善之故遂辱撰先公墓銘誌中有  
文不逮岳而岳強以銘之語當知前輩獎掖  
後進有如此也

霜天曉角

梅

見陽春白雪

疎明瘦直不受東皇識留與老學叢  
伴春應肯干紅底

怎著得 夜色何處笛曉寒無奈力飛入  
叢叢談作壽陽



宮裏一點點有人惜

別詞 祝英臺近

見浩然齋雅談

玉東西歌宛轉未做苦離調著上征衫字字是愁抱月

寒鬢影刁蕭舵樓開纜記柳暗乳鴉啼曉 短亭草還

是綠與春歸羅屏夢空好燕語難憑憔悴未渠了可能

妒柳羞花起來渾嬾便瘦也教春知道

黃

簡

一名居簡字元易號東浦建安人

文肇社虎邱志居簡工詩嘉熙中卒通判翁逢龍葬之虎邱王鏊姑蘇志漳潭陳氏北園范石湖書扁東浦黃簡為記前賢小集拾遺載黃元易秋懷寄陳宗之云秋聲四壁動寒事日駸駸紅剝林間子青除架底陰積閒殊有味安拙本無心獨媿陳徵

士除書不問金

柳梢青

見絕妙好詞

病酒心情喚愁無限可奈流鶯又是一年花驚寒食柳

認清明 天涯翠巘層層是多少長亭短亭倦倚東風

只憑好夢飛到銀屏

玉樓春

龜紋曉扇堆雲母日上綵闌新過雨眉心猶帶寶觥醒

耳性已通銀字譜 密奩綵索看看午暈素分紅能幾

許妝成按鏡問春風比似庭花誰解語

畫對眼兒媚

見陽春白雪



畫樓瀕水翠梧陰清夜理瑤琴打窗風雨逼簾烟月種  
種關心當時不道春無價幽夢費重尋難忘最是鮫

綃暈滿蟬錦香沈

王同祖

字與之號花洲金華人淳祐中建康府通判添差沿江制置司有學詩初稿一卷

按同祖學詩初稿自述髫鬢亂侍父宦遊弱冠入金陵制幕以橐中歲月考之為理宗嘉熙

戊戌其秋日書事云幕府秋來事更多夜深猶自擬諸窠平安號火新來急虜騎連宵已

渡河自註制閩諸案大則日房小則日窠蓋做朝廷之制又云點盡官軍點到民三千新

遣殿司兵流移更講關防策預結強丁戌列營自註流民強壯預為未然慮置勇士一軍

團結之又云哨馬紛紛一水間渡頭分戌要防姦可憐生計漁舟者官給旗牌禁往還自

註諸渡遣官戌之以為禁姦之防至於漁舟亦自官給黃旗黑牌以考驗又云明朝玉帳

過江邊騎卒行營一日先出得公庭天向夜通宵人散起家錢自註元帥江行騎卒遣幕中通夜散起家錢於諸營皆足以考驗當時軍制至冬日書事則紀杜制帥之援合肥陳廣之殉節滁州又慨乎其言之矣

阮郎歸

見陽春白雪

一簾疎雨細於塵春寒愁殺人桐花庭院近清明新烟

浮舊城尋蝶夢怯鶯聲柳絲如妾情丙丁帖子畫教

成粧臺求晚晴

西江月

往事星移物換舊時雨冷雲沈真娘墓草幾回青問著

寒潮不應何處芙蓉別館依前楊柳離亭東風吹淚



入重扇為喚香魂教醒  
似阿嬌丰韻黃昏近望翠幙  
玳席粉面雲鬟映嬌波微  
瞬向燭影交相歌聲閒繞私語畫欄並  
佳期事好處  
天還慳吝鶯啼燕語無定一輪明月人千里空夢雲温  
雨潤蕭郎病恨天闊鴻稀杳杳沈芳訊日長人靜但時  
把好山學他媚嫵偷就眉峯印

鄭

楷

字持正號眉齋三山人

按元樊雪舟士寬輯文章善戲有持正所作文房擬制表一卷

訴衷情

見絕妙好詞

酒旗搖曳柳花天鶯語軟于綿碎綠未盈方沼倒影蘸

秋千 奩玉燕套金蟬負華年試問歸期是除醮後是

牡丹前

朱

藻

字野逸

周伯弼端平詩雋贈堃逸云時康難售賈生醫諫鼓無聲對落暉又報一年花信了滿山鶻鴉送春歸悠悠行路雪侵頭擬出重關洗做裘隄上忽逢憔悴客背花停酒說通州

採桑子

見絕妙好詞

障泥油壁人歸後滿院花陰樓影沈沈中有傷春一片  
心閒穿綠樹尋梅子斜日籠明團扇風輕一徑楊花



不避人

黃時龍

字同甫  
號野橋

端平詩雋送黃同甫詩云人生各有安出易  
欲歸難古道春泥重孤城暮雪寒酒鋒精似  
將詩案遠於官野穀如堪飽從君借鷓冠

浣溪紗

見陽春白雪

雨歇花梢月正明映簾人靜繡燈昏鴛央成字便停針

笑啓玉奩明酒暈緩尋金葉熨香心一春情緒此時

深

夜行船

十四絃聲猶未斷星月上西墻一半卻手休彈含情微

妬報道春宵短銀燭紗籠須早辦不住地金蕉催勸

別院人歸小窻燈靜自把花枝看

虞美人

捲簾人出身如燕燭底粉粧明艷羯鼓初催按六么無  
限春嬌都上舞裊腰畫堂深窈親曾見宛轉楚波如  
怨小立花心曲未終一把柳絲無力倚東風

主

諶

字子信自號畫溪吟客陽  
美人著有潛泉蛙吹集

按曹庭棟宋百家詩存誤收漁父詞入薛嶠  
雲泉集今從江湖後集改正

漁父詞

嘉熙戊戌季春一日爲亞愚詩禪上人作

蘭芷流來水亦香滿汀鷗鷺動斜陽聲欵乃閒鳴榔儂



家只住岸西傍

又

翁嫗齊眉婦亦賢  
小姑顏貌正笄年  
頭髮亂髻鬟偏愛  
把花枝立柁前

又

湘妃淚染竹痕斑  
風雨連朝下釣難  
春浪急石磯寒  
買得茅柴味亦酸

又

滿湖飛雪攪長空  
急起呼兒上短篷  
簑笠具畫圖同鐵  
笛聲長曲未終

又

離騷讀罷怨聲聲  
會向江邊問屈平  
醒還醉醉還醒  
笑指滄浪可濯纓

又

白髮羣鬆不記年  
扁舟泊在荻花邊  
天上月水中天  
夜夜烟波得意眠

又

只在青山可卜鄰  
妻兒語笑意全真  
休識字莫嫌貧  
方是安閒第一人

李霜涯



李德裕

陳耀文花草粹編西湖雖有山身而大旱亦嘗龜坼嘉熙庚子水涸茂草生焉祈雨無應李戲作此邏者廉捕之不得武林舊事諸色技藝人李霜涯作賺絕倫

晴偏好

平湖千頃生芳草芙蓉不照紅顛倒東坡道波光潏灩

晴偏好

許棐

字忱夫海鹽人嘉熙中隱居居秦溪有梅屋詩餘一卷

按忱夫室中懸白香山蘇東坡二像事之嘗云四壁天地萬卷春風庾嶺香孤山玉洵樂而可以忘死其自序藏書曰云子性喜書舊積書千餘卷今不啻倍之人有奇編見無不錄以故環室皆書今即老而貧乎而人不鄙夷子之貧鬼不挪揄子之貧皆書賜也

鷓鴣天

見絕妙好詞

翠鳳金鸞繡欲成沈香亭下款新晴綠隨楊柳陰邊去

紅踏桃花片上行鶯意緒蝶心情一時分付小銀箏

歸來玉醉花柔困月瀟窻紗約半更

後庭花

一春不識西湖面翠羞紅倦雨窻和淚搖湘管意長賤短知知心惟有雕梁燕自來相伴東風不管琵琶怨落花吹遍

花吹遍

香滿宮春

見梅屋詩餘

嬾擣香慵弄粉猶帶淺醒微困金鞍何處掠新歡倩燕鶯尋問長柳供愁花獻恨袞袞獵紅成陣碧樓能有幾



番春又是一番春盡  
虞美人  
後見宋宗室世系表

杏花窻底人中酒  
花事人相守  
簾衣不肯護  
春寒一聲  
嬌嚏兩眉攢  
擁衾眠  
明朝又有秋千約  
恐未忺梳掠

倩誰傳語畫樓風  
略吹絲雨濕春紅  
絆游蹤  
一春山花子

接柳揉花旋染衣  
絲絲紅翠撲春輝  
羅綺叢中無此艷  
小西施  
腰細最便圍舞帕  
袖寒時復罩香奩  
誤點一

痕殘粉淚怕人知  
見陽春白雪  
琴調相思引

紅繡盈箱錦滿機  
倩誰縫作護花衣  
恐花飛去無復上

芳枝已恨遠山迷  
望眼不須更畫遠  
山眉正無聊賴  
花外一鳩啼

清平樂

鳳雙鸞偶天上  
人間有簷玉無聲  
花影瘦夜淺春濃時  
候  
別來幾度寒宵  
六橋風月迢迢  
燈下有誰相伴一

方紅濕鮫綃

趙浦夫  
號竹潭郎國公德鈞之  
後見宋宗室世系表

許棐梅屋小  
棗送趙竹潭詩云  
已強詩仙一夜  
留任教侵早  
放船休恨身不似  
梅花片飛入寒蓬  
伴遠游



謁金門

見陽春白雪

天色晚雲外一箏斜雁獨凭闌千秋滿眼菊花寒尙淺  
葉落香篝紅泛懶把新詩題怨何處笛聲三弄斷月  
遲簾未卷

趙野雲

梅屋小橐贈趙野雲詩云載雨駕雷翻覆頃  
漏星藏月卷舒間若將雲與詩人比正恐雲  
無日日閑

點絳脣

見陽春白雪

又是年時冷烟寒食梨花院柳金拖線一曲珠歌轉  
翠碧雕梁風軟簾通燕何須勸酒豪詩健逸韵今重見

鄧有功

字子大號月巢南  
豐人有月巢遺稿

隱居通議吾鄉前輩鄧子大心事粹美詩才  
清婉嘗有玉山道上絕日玉溪溪上雨聲  
乾日暮東風客衲寒數樹梅花吹作雪行人  
猶自倚闌干其情致殊瀟灑平生所作甚多  
家學斷絕無能存其橐者今所錄徒得之疇  
昔記誦而又缺落不完可歎也喜作長短句  
如點絳脣過秦樓云云詞旨流麗工于言情  
少舉進士累試禮部不中以恩補迪功郎爲  
撫州金谿尉得年七十以卒後學尊日月巢  
先生

點絳脣

捲上珠簾晚來一陣東風惡客懷蕭索看盡殘花落  
自把銀瓶買酒成孤酌傷漂泊信音難托悶倚闌干角

過秦樓



燕蹴飛紅鶯遷新綠幾陣晚來風急謝家池館金谷園  
林還又把春虛擲年時恨雨愁雲物換星移有誰曾憶  
把一樽試酌落花芳草總成塵跡頻自笑流浪孤萍  
沾泥弱絮有底困春無力銀屏香燠寶簾波寒又負月  
明今夕往事夢裡沈思惟有羅衾淚痕猶濕奈垂楊萬  
里不繫西風白日

林表民

師葳子東魯人寓居  
臨海有玉溪吟稿

按江湖後集及吳子良赤城續志序稱表民  
博物洽聞嘗續修赤城志及天台續集別編  
跋中紀年淳祐庚戌則爲理宗時人又林逢  
吉有和梅仲潛金山弔東魯林表民詩蓋客  
游而歿于邸舍者也

玉漏遲

和趙立之

見陽春白雪

並湖遊冶路垂堤萬柳麴塵籠霧艸色將春離思暗傷  
南浦舊日愔愔坊陌尙想得畫樓窗戶成遠阻鳳箋空  
寄燕梁何許 淒涼瘦損文園記翠管聯吟玉壺通語  
事逐征鴻幾度悲歡休數鶯碎亂花深裏悄難替愁人  
分訴空院宇東風晚來吹雨



詞綜補遺卷十





